



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :

Tir Yimym

tiryimym@aolima

tir yimym

TAPAK 8

Israel war cabinet minister Benny Gantz sorkar nunggi anenogo

Sandeep Lamichhane Nepal team nung adentsü



VOL. XXI ISSUE NO. 239 (ADOK 239) DIMAPUR SANGTENNÜ (TUESDAY) AAMI (JUNE) 11, 2024 ₹ 5.00

Manipur nung CM Biren'er advance convoy amak

Imphal, June 10, 2024 (Agencies): Hombarnü Noney district kübok K. Sinam yimtsüng anasa telungpurtemi Manipur Police 'protection convoy' ka amak.

Chief Minister N. Biren Singh-i Jiribam semdangtsü aliba sentong atema iba convoy ya jelia aodang lendong ajuru. Tanep 10:30 ako meta Imphal-Jiribam lenmang nung telungpurtemi amakdang police driver ka yiru.

Police gari driver ji Moirangthem Ajesh (Bobo) ta jangjaogo aser pa Shija Hospital nung anioka lir.

Manipur state sorkari law & order lidaktsü atema mapa takang kar inyaksü ta Chief Minister N Biren Singh-i metetdaksüogo.

Tanü anügang CM Biren-i Shija hospital nung Moirangthem semdanga liasü aser iba sülen osangbener den jembidang sorkari mapa tesashi kar inyaksü ashi.

"Telungpurtemi iba mapa ya ni aser Manipur nung anema inyakba lir. Iba teblemstü ajuruba nungi state sorkari tangatetep nung bangzüng ka renemstü ta teimla yur tashi mebenshi dang arur. Ajsüaka iba tatalokba ya sorkar ketdangsubaren anema inyakba lir aser magizüker. Iba mapa

inyakertemi ketdangsubaren mali inyaksangshir ama ajiteter" ta CM Biren-i ashi.

"Tang tashi nung onoki telungpurtem anema meinyak aser Manipur nung asenok ajak külemi dang alir ta angatetdaksütsü atema atapisa arur. Saka parnoki sorkar ya parnok kübok alir ama bilemer anungji onoki mapa inyaksü" ta CM Biren-isa metetdaksü.

Manipur chief minister-i Mongulbarnü helicopter ajanga Jiribam semdangtsüba sentong liasü. Rashtrapati Bhavan nung Prime Minister Narendra Modi'er tezüngzüktep agiba sentong nung adenba sülen pa Hombarn anügang Delhi nungi aruogo.

Tanep lendong atalokba tesem nung Manipur police commandos aser Assam Rifles sepaitemi joint operation ka inyakdar.

Brihostibarnü arishi küm 58 tain Meitei nung tasügang ka anguba sülen tesüiba anogo ishika Jiribam nung ozüng alema inyaksangshi tenzükogogo.

Tensa mejungi akümba ajanga Jiribam nung Meitei aser Kuki-Zo nung nisung 250 shi ka pei talidak toktsür ogo aser ki aika rongdoktsüogo.

Hokolbarnü Jiribam aser kidanger district Tamenglong nung Section 144 ozüng benokogo.

NHIDCL-i Wokha-Merapani lenmang yanglutsü

Dimapur, June 10, 2024 (TYO): National Highways & Infrastructure Development Corporation Ltd (NHIDCL)-i anogo 10 tsüngda Wokha-Merapani road yangluba mapa tenzüksü ta Deputy General Manager (NHIDCL) Neeraj Khare-i nangzükgogo.

June 10, 2024 nü District Planning and Development Board senden amendang Khare-i iba osang metetdaksü.

Agriculture Advisor aser DPDB Wokha Chairman Mhathung Yanthan menden ser amenba senden nung NHIDCL dang pelaba metetdaksü.

NHIDCL-i tekaratiba nung

maintenance work tenzüksü nangzükgba atema pelar aser sorkar den district nung sendaka alir ajaki iba mapa takok ngua inyaksü asoshi yariteptsü ta Yanthan-i ashi. Tanü Advisor Mhathung Yanthan aser Wokha DPDB züngsemtemi Clean Doyang Mission reprangdangtsü atema Doyang-i ao.

Yanthan-i State Disaster Management Authority aser Wokha District Administration dang Clean Doyang Mission mapatong tenzükgba atema pelaba metetdaksü.

Paisa Nagaland aser talisa Wokha district nung sendaktepa alir ajaki Clean Doyang Mission nung shilem agitsü ayongzükg.

Tuensang-Longleng lenmang nung gari tulu senzüba nokdang

Dimapur, Aami/June 10 (TYO): Tuensang- Longleng lenmang nung Chainage 1+100 kanga majungba ajanga Tuensang Deputy Commissioner-i Tuensang-Longleng lenmang nung gari tulu mesenzütsü tetuyuba ka agütsüogo.

Lendong timtem nungi jenbua alitsü mechi iba tetuyuba agütsür. Anungji gari tulutem tarutsü nung sangdong ka magütsü tashi Assam - Mokokchung- Chare-Tuensang lenmang ajanga senzütsü ajungshir metetdaksü, ta Tuensang DC-i ashi

NDA 3.0 nung arishi küm 36 nungi 79 tashi züngsema lir

Northeast nungi Union Minister 2, MoS 1 dena lir



Sarbananda Sonowal

Kiren Rijju

Pabitra Margherita

New Delhi/Guwahati, June 10, 2024 (Agencies): Prime Minister Narendra Modi-i aniba NDA 3.0 sorkar nung minister tanubosangji Kinjarapu Ram Mohan Naidu (36) aser tambusangji Ram Manjhi (79) lir. Telugu Desam Party (TDP) züngsem Naidu ya Srikakulam MP lir aser Council of Ministers nung Ministry of Civil Aviation Union Minister lemmükogogo.

Maneni, Minister tanutsür kaji Raksha Khadse (37) lir. La ya Maharashtra nung Raver Lok Sabha MP lir aser la MoS Ministry of Youth Affairs and Sports lemmükogogo.

Modi 3.0 sorkar nung Union

Cabinet Minister inyaksü atema Ram Manjhi-i tezüngzüktep agi.

Manjhi-i Bihar nung chief minister 23 buba inyakogogo aser Hindustani Awam Morcha (HAM) founding president lir.

Tesüba nung Manjhi-i Nitish Kumar'er Cabinet nung scheduled castes and scheduled tribes welfare minister inyaka liasü. Pai 2024 general elections nung Gaya Lok Sabha menden nungi takok angu.

Modi 3.0 cabinet nung Northeast nungi taoba Union Minister ana tashi maneni dendaktsüogo. Ano, Northeast nungi Rajya Sabha MP ka sorkar tasenba nung MoS ama züngsemogogo.

Assam nungi taoba Union Minister Sarbananda Sonowal aser political secretary to the Assam Chief Minister Pabitra Margherita na Council of Ministers nung anikogogo.

Ano, taoba Union Minister Kiren Rijju maneni Union cabinet nung dendaktsüogo.

Dibrugarh MP Sarbananda Sonowal ya taoba nung Minister of Ports, Shipping and Waterways aser Minister of AYUSH liasü. NDA 3.0 sorkar nung pa Union Minister of Ports, Shipping and Waterways maneni inyaksü lemmüktsüogo.

Arunachal West nungi MP Kiren Rijju ya Minister of Earth Sciences & Minister of Food Processing Industries liasü. PM Modi'er sorkar tasenba nung pa Union Minister of Parliamentary Affairs Ministry lemmükogogo.

Assam nungi Rajya Sabha MP Pabitra Margherita ya Ministry of External Affairs aser Ministry of Textiles nung Minister of State inyaksü shimogogo. Margherita ya Assam nung ajaki meteta aliba nisung ka lir saka Delhi nungbo tasen lir. 2022 küm pa Assam nungi Rajya Sabha MP inyaksü shimteta liasü.

NPP-i Kohima nung candidate 11 nem ticket agütsü

Kohima, June 10, 2024 (TYO): National Peoples' Party (NPP)-i Kohima nung Urban Local Body (ULB) election atema candidate 11 nem ticket agütsüogo.

Kohima district nungi NPP MLA Dr Tseilhoutuo (Ato) Rhtuso-i par kidang ticket lema agütsü. Pa ya Kohima Town A/C nungi MLA lir.

Hombarnü NPP ticket angurtemji- 3-North Block - Kekhrienyituo Sekhose, 4-Nagabazar - Mecieno Swu, 6-D'Block - Kekhrieletuo Belho, 7-Daklane - Leanne Kiewhuo, 12-Upper Chandmari - Alebu Sanchu, 13-Lower Chandmari - Thejanuo Whuorie, 14-Porterlane, Old Ministers' Hill - Vizokhoto George Kirha, 16-Lerie, Lerie Chazou, Police Project & New Ministers' Hill - Ane-u Khaming, 17-Agri, Agri Farm, Forest & Electrical - P. Kezo, 18-Paramedical, Lower Agri - Sonuo Yanger aser 19-PR Hill, Jail & Supply nung lir.

NPP-i Dimapur, Wokha, Chumoukedima aser Pftusero town council tem nunga tokteper ta Dr. Ato-i ashi.

"State Assembly nung NPP-i tatemzükgba kecha melii NDPP pusema nungiter anungji ULB elections nung tangatetep lia

tokteptsü" ta pai ashi.

ULB elections ya NPP atema semi-final ka lir aser final ji 2028 state general elections asütsü aser idangji menden teimba nung takok angutsü ta Dr. Ato-isa ashi.

"Tanga party tem atema ULB elections ya tashi aser nübo peria aliba sayuba ka asütsü saka NPP-ibo jila aser yimitem nung yimjung, telongjem aser terenlok atema tokteper. Iba election nung onok nem maongka agütsüra terenlok bener arutsü" ta Dr. Ato-isa metetdaksü.

Kohima ya Naga kin ajunga atema yimtiba lir anungji NPP-i ENPO dena Naga kin balala nem ticket agütsüogo, ta paisa ashi.

Party züngsemtem aser pei pei kini temi telongjem aser NPP candidates takok angutsü atema inyaksü mepishir, ta Dr. Ato-isa shisem.

Candidate 11 nungi 6 ji tetsürtem lir aser tetsürtemi tebur den tokteptsü mulungtetba aser municipality nung telemtetba agiba nung shilem agitsü aruba atema kanga pelar ta paisa ashi.

Nagaland state sorkari 2023 küm Nagaland Municipal Act yanglushiogogo. Iba nung kiojen nung tax agienogogo, election sülen ULBs ajanga fee saruba ajak pei jila aser municipality nung amshitsü anungji nisungtemi

menungnangi saru agütsütsü ta Dr. Ato-isa metetdaksü.

NPP nem maongka agütsüra Kohima municipality nung terenlok aika bener arutsü ta Dr Tseilhoutuo-i tanü ashi.

Ward. No. 6 D'Block nung NPP candidate Kekhrieletuo Belho election campaign kick-off programme nung jembidang pai iba ya nenshia metetdaksü.

Kohima nung water supply aser healthcare facilities nungdaker aser local MLA ka ama pai tzü tajemstü supply asütsü lenmang bushitetogogo ta ashi Dr. Ato-i ashi.

Iba mapa nung mangatetep kar adoka lir saka tekaratiba nung angatetepstü imlar ta paisa shisem.

KMC nung NPP nem maongka agütsüra municipal wards nung healthcare facilities tajungba kümdaktsütsü. Anungji NPP candidate tokteperba ward pur dang ozü candidate yaritsü mepishir, ta Dr. Ato-isa ashi.

NPP candidate Noko ya makamaitertem asoshi noktaker aser pai parnok ajungkettsü ta Dr. Ato-isa tenügang agütsü.

"Belho ya common peoples' candidate kümdakjang aser asenok külemi longjem ajak ajungtsü atema inyaka aotsü" ta paisa ashi.

Mokokchung nung ULB election nung tokteper candidate-tem nem NDPP Party Ticket agütsüogo



Mokokchung nung Urban Local Bodies election nung tokteper candidate-tem nem NDPP Party Ticket agütsüba sentong nung party lenirtem aser Candidate-tem külemi tangokba noksa yangi angur. (Mokokchung, June 10, 2024)

Mokokchung, June/Aami 10 (TYO): Municipal Act tasen ka adoker mezüngbuba Urban Local Bodies election agir kelen nenok mezüngpur sür maparen ajak inyaka aotsü, anungji nenoki Municipal Act-ji jungjunga meteta inyaksü kanga dang nungtakerta Wb.N.Bendang Jamir Working President, NDPP Nagaland aser Region Election Committee Convenor-i June 9 nü Region Office, Mokokchung nung Urban Local Bodies election nung tokteper candidate-tem nem NDPP Party Ticket agütsüba sentong nung jembidang ashi..

Jamir-isa ULB election nung NDPP Party Ticket nung candidate ka ama toktepner nübo tajung aika dang liasü, saka nenok nem temelung lema NDPP Party Ticket agütsüogo

, nenoki ticket-ji akhumtsüba inyaka takok angutsüta party-pur- yimlaa atar ta ashi. Paise NDPP Party Ticket amer candidate ajakji NDPP Party tanüdangtsü lir, anungji NDPP Party meraktdaktsütsüsa inyaksülata candidate-tem ayongzük.

Working President, NDPP Nagaland-isa party nung adenertemi aiben jenjang ajungnü dang party ajungba jembir, saka jenjang majungnübo party majungba jembir, mapa ka mataloktsürabang mulung masüba jembir, saka tanu jenjang tajung ka asoshi temelung lemteta shimtébaji mamadoki party ajungketsü asoshi inyaka nübur ania alima asoshi inyangta candidate-tem aser adenshia alir party-pur

ajungmesoa ashi.

Kasa sentong nung NDPP Mokokchung Region President Wb. Manyan nung ba ketdangtsüba nung Candidate-tem nem NDPP Party Ticket lema agüja tenangzükba agidakja liasü, Iba den NDPP Party candidate tenung nung Wb.Lanuakum-i tepela o jembir iba den NDPP Mokokchung Region Vice President Wb.Lipokzülu-i tatem o jembir aser iba sentong NDPP Mokokchung Region Vice President Wb.Rongsen ketdangtsüba nung agia liasü.

Tanu iba sentong nung Mokokchung Municipal Council nung Candidate 18, Mangkolemba Town Council nung candidate 8 aser Town Council nung Candidate 2 nem NDPP Party Ticket agüja liasü.

Noklak nung Sound System Management Workshop ayongzük

Dimapur, Aami/June 10 (TYO): Deputy Commissioner, Noklak, Arikumba-i June 10, 2024 nü Noklak nung Sound System Management Workshop ka semzükja liasü, koba Task Force for Music & Arts (TaFMA) Nagaland ajanga TaFMA District Partner, Noklak den lungjemer ayongzükba lir.

Deputy Commissioner, Noklak, Arikumba-i iba sentong nung jembidang Noklak nung Sound System Management Workshop ayongzükba atema TaFMA dang pelaba shisem.

Sentong ajak nung soundy system ya kanga tongtipang shilem ka kumogo, anungji training agirtemi tajungtiba

nung angazüktsüla, ta pai ayongzük.

June 10 nungi 12, 2024 tashi agütsü aliba asemnü workshop nungya shisalen sayurtem ya Sound Engineer, TaFMA, Marcus Geisuo aser Asst. Sound Engineer, TaFMA, Merensuba alitsü.

Iba workshop nung nisung 34 arua shilem agitag.

Mkg municipal kübok ULB election atema ano nisung ka nem INC ticket agütsüogo



I. Temsu Jamir nem INC ticket agütsüba mapang tangokba noksa

Mokokchung, 10th June (TYO): Mokokchung municipal kübok ULB election unreserved ward No. 11, Sangtemla nungi Wb. I. Temsü Jamir nem 10th June, 2024 nü Indian National Congress (INC) ticket agütsüogo.

Ticket agütsüba sentong tongmelang ka Mokokchung

DCC office nung akadang, Mokokchung ULB election committee, convenor & PCC member, Ex. MLA Toshiokba Lkr aser co-convenor & DCC president, Watimongba Aier na den ano Congress ketdangtsürtem kar densema liasü.

I. Temsu Jamir-i tanü

NDPP party membership nungi sodi meshiogo. Tang tashi nung ULB election nung tokteptsüpur INC ticket agütsürji Mokokchung municipal kübok ward trok (6) nung aser Tuli, Mangkolemba aser Changtongya kübok town council-tem nung ward trok (6) lir.

Kohima nung 6 buba World Food Safety Day amung

Dimapur, Aami/June 10 (TYO): Food Safety Wing, Department of Health & Family Welfare ajanga "Food Safety: Prepare for the Unexpected" omen nung ajemdaker Government High School, PWD Colony, Kohima nung Hombarnü 6th World Food Safety Day 2024 munga liasü.

Iba sentong nung tesemdanger tongti ama Dr. Akuo Sorhie, Mission Director (National Health Mission) dena liasü.

Lai iba sentong nung jembidang tanur-tain ajak atema chiyongtsü tajung chia-ajemtsü kanga tongtipang lir aser chiyongtsü tamajung achiba ajanga temang nung tashidak adoker aser cancer ama mapang talangka lir tashidak adokdaksür, ta ashi.

Laisa mürekmejua alitsü nenshia ashi aser iba ya

chiyongtsü amshirtem atema kisüng masü saka achirtem asoshia tongtipang lir ta ashi.

Technology tsütsü renloka aoba aser mongpu masüba nunga aonsotsü aser süngjanglijang adokdaksüba ajanga market nung anguba chiyongtsü nung mozü aliba sayur aser nüburtemi itemji saksalema repranga alitsüla, ta Dr. Akuo Sorhie-i ashi.

Nüburtem aser pei kibong telungzük nunga chiyongtsü tajung amshitsü atema kaketshir temi awareness agütsütetsü, ta ashi.

Market nung chiyongtsü tabu balala angur, anungji nüburtemi manufacture date, best before, ingredients amala (allergic reaction malitsü atema), veg/non-veg logo amala meteta chiyongtsü tajung achitsüla, ta lai ayongzükba liasü.

ULB elections atema candidate nem BJP ticket agütsü



Dimapur, Aami/June 10 (TYO): Nagaland nung June 26, 2024 nü Urban Local Bodies (ULB) elections agütsü aliba nung tokteptsü jangra aliba candidate tem nem tanü (June 10, 2024) political party balalai party ticket agüja liasü.

BJP ajanga Niuland town kübok wards toku prong atema candidate toku nem party ticket amoktsü, aser yangji tetsür candidate asem lir.

Chümoukedima nung wards 11 nungi BJP ajanga tetsür asem densema candidate toku nem party ticket agüja liasü. District anaprong ya 4 Ghaspani-I Assembly Constituency küboki aiter.

4 Ghaspani-1 BJP Mandal

office nung BJP ticket lemtsüba sentong agütsü lia BJP Legislator Jacob Zhimomi-i ashiba agi, tesüiba küm 20 tashi central sorkari nungi state nem teyari magütsüi arur.

ULB tentetba sülen towns aser municipalities nung tajangzük jenti angutsü, kechiaser nüburtemi state sorkar tenüng nung inyaksü asoshi nübu tajung shimtsü, ta pai ashi.

BJP-isa Dimapur Municipal Council atema tetsür pezü densema candidate toku nem ticket agüja liasü.

Kasa mapang NDPP-ia Dimapur Municipal Council aser Chümoukedima Town Council atema candidate tem nem tickets lema agüja liasü.

Mon nung capacity building training agi

Dimapur, Aami/June 10 (TYO): State plan 2023-24 kübok meat production dak sendakba nung anogo pezü training ka Mon nung June 5 nü nungi tenzüka agiba Honibarnü takok ngua tembangogo.

Iba training sentong ya Department of Animal Husbandry & Veterinary Services, Nagaland, Kohima-i senotsü teyari agüja agiogo.

Veterinary Surgeon, Dr. Lhuveta Nyekha-i "Hygienic Meat Production and Consumption" onük nung ajemdaker jembia liasü. Sentong nung shisalen agütsürtemji Dr. Manjan Konyak, Dr. Sikhambo, Dr. Y. Yawing Konyak aser Dr. Pangdun Konyak nung liasü.

Parnoki, Scope of Piggery &

Poultry rearing, Site Selection & Housing Management for pigs, Selection of Breed in Pigs, Feeding Management in Pigs, Care & management of Gilt & Sow during pregnancy & farrowing, Care & management of newborn piglets, Diseases & Health care in Pigs, Housing & floor space management in Poultry, Advantages of commercial chicks over local chickens, Feeding Management in Poultry, Management of layers, Common diseases of Poultry, aser Vaccination schedule & Health care in Poultry, amala onük nung ajemdaker tangazükba agüja liasü.

Ajak senteper iba training sentong nung nisung 50-i shilem agia liasü.

J&K kübok Reasi nung kiralongrartemi bus amakdang nisung 9 asü

Srinagar, June 10 (Agencies): Jammu & Kashmir kübok Reasi nung kiralongrartemi lenmang tom nung mendanger bus ka amakdang tanur ka aser tetsür asem densema nisung 9 asü aser nisung 33 yiruogo, ta osang ka ajanga metetdaksü.

Kiralongrartemi amakba mapang nung bus ji lungreni lua tsükok.

Amongnü aonung bus nungji Shiv Khori tekülem kidang nungi Mata Vaishno Devi tekülem kidangi aoertem mena liasü.

Hombarnü security sepaitemi kiralongrartem mita ao tenzükogo aser National Investigation Agency (NIA) team kata Reasi nung lendong atalokba tesemji tonga aoba sülen police den bushisingdangba maparen nung yaritepdar.

Uttar Pradesh aser Delhi na nungi temeshi aini aoba mapang

nung kiralongrartemi bus dakji injang khaloktsüba sülen bus anisangi bus ji mazüokteti lungreni lua tsükok.

Iba tatalokba atema Pakistan-i pusemba Resistance Front (TRF)-i parnok sasa tenüng agiogo. TRF telok ya kiralongrar telok Lashkar-e-Taiba (LeT) nungi jakzükba lir.

TRF-i sangdong ka ajanga, tarutsü nunga onoki maneni kiralongrartem aser tanga state nungi arurtem amaktsü, ta amokmerenogo.

TRF-isa, Reasi amakba ya asentenshir tang tetenzüker dang, ta metetdaksü.

Tenük kuli alirtemi ashiba agi, kiralongrartemi bus dakji injang 25-30 shi kahloktsüba mapang tashi nungbo bus ji lungreni lua tsükok. Iba lendong nung yirurtemji Teryath Hospital, Narayan Hospital aser Reasi District Hospital-i anir oa yaridar.

Reasi Deputy

Commissioner, Vishesh Paul Mahajan-i, "Asürtem rongnung nisung asembo tetsür. Tasümang pezübo lendong atalokba tesem anasa aliba hospital ka nung yua lir aser tasümang pongubo district hospital Reasi-i bener ogo," ta metetdaksü.

Paisa, asürtem rongnung kabo Rajasthan nungi arrshi küm 2 tebur ka lir aser Uttar Pradesh nungia tainlonglong tebur ka lir, ta metetdaksü.

Iba tatalokba sülen Police, Army aser CRPF-i lendong atalokba tesem anasaji camp ka amenokba sülen sepaitemi senteper kiralongrartem mita ao tenzükogo.

Jammu & Kashmir Lt Governor, Manoj Sinha-i iba lendong nung asürtem kibong shia nem sen lakh terer (10) teyari agütsüsi aser yirua alir shia nem-a sen meyrjang tenemnem (50,000) agütsüsi, ta sangdongogo.

PM Modi-i council of minister 71 nem portfolio lemzüksüogo



June 10, 2024 nü New Delhi nung Ato kilonser, Narendra Modi-i office mapa tenzükba mapang tangokba noksa nung angur. Modi-i kümsük tasembenbuba Ato kilonser inyaksü atema Amongnü tenangzükba agia liasü.

New Delhi, Aami/June 10 (Agencies): Amongnü nikongdang Narendra Modi-i kümsük tasembenbuba Ato kilonser inyaksü asoshi tenangzükba agiba sülen anogo ka lir Hombarnü pai council of ministers 71 nem portfolios lemzüksüogo.

Hombarnü nikongdang Ato kilonser kidang Union Cabinet mezüngbuba senden amen.

NDA sorkar kümsük (term) tasembuba nung Cabinet Minister 31 ji yamai lir- Narendra Modi Ato kilonser, Rajnath Singh nem maneni Ministry of Defence lemzüksü, Amit Shah nem Ministry of Home Affairs aser Nitin Gadkari nem maneni Ministry of Road Transport & Highways lemzüksü.

BJP National Tir, JP Nadda nem Ministry of Health & Family Welfare, Shivraj Singh Chouhan nem Ministry of Agriculture & Farmers Welfare, Ministry of Rural Development, Ministry of Panchayati Raj aser Nirmala Sitharaman nem maneni Ministry of Finance lemzüksü.

S Jaishankar nem Ministry of External Affairs, Manohar Lal Khattar nem Ministry of Housing and Urban Affairs, JD(S) lenir HD Kumaraswamy, Piyush Goyal nem Ministry of Commerce and Industry, Dharmendra Pradhan nem Ministry of Education, HAM lenir Jitan Ram Manjhi nem Ministry of Micro, Small & Medium Enterprises, JD(U) lenir Lalan Singh, Sarbananda Sonowal nem Ministry of Ports, Shipping and Waterways, Virendra Kumar, TDP lenir Kinjarapu Ram Mohan Naidu nem Ministry of Civil Aviation, Prahlad Joshi nem Ministry of New and Renewable Energy, Jial Oram, Giriraj Singh,

Ashwini Vaishnaw nem Ministry of Railways, Ministry of Information and Broadcasting, Jyotiraditya Scindia nem Ministry of Communications, Bhupendra Yadav nem Ministry of Environment and Forests, Gajendra Singh Shekhawat nem Ministry of Tourism, Ministry of Culture, Annpurna Devi, Kiren Rijiju nem Ministry of Parliamentary Affairs, Hardeep Singh Puri nem Minister of Petroleum and Natural Gas, Ministry of Power, Mansukh Mandaviya nem Ministry of Labour & Employment, G Kishan Reddy, C R Patil aser LJP (RV) lenir Chirag Paswan nem Ministry of Youth Affairs and Sports lemzüksü.

Iba dak alia Ato kilonseri Ministers of State (Independent Charge) pezü aser Ministers of State 37 tenüng sangdong.

NDA sorkar kümsük tasembuba nung Other Backward Classes nungi minister 27, Scheduled Castes nungi minister 10, Scheduled Tribes nungi minister 5 aser minorities nungi minister 5 lir.

NDA sorkar kümsük tasembuba nung kümsük asemben tashi Parliament nung züngsem inyaker minister 43 densema lir aser taoba mapang Centre sorkar nung minister inyaker 39 lir.

India temzüng kübok council of ministers ji Lok Sabha nung MP ajak (543) nungi shilem 15 dang nungi teimba masütsüla, anungji council of ministers ji 81 dang nungi teimba masütsüla.

Lok Sabha nung MP tasenpurtemi June 18-19 anogotem nung tenangzükba agitsü, iba sülen June 20 nü Speaker shimtsü.

Union Cabinet senden nung PMAY kübok ki crore 3 asütsü agizük

New Delhi, June 10 (Agencies): Hombarnü Ato kilonser Narendra Modi leniba nung sorkar tasenba Union Cabinet mezüngbuba senden nung Pradhan Mantri Awas Yojana (PMAY) kübok ki crore 3 asütsü atema sorkari teyari agütsüsi agizükogo.

"Linük nung temsüa aliba sensaker kibongtem ano teimba

akümba ajanga jila aser yimtsüngtem nung ano ki crore asem tali asütsü atema teyari agütsüsi asoshi tanü Cabinet senden nung telemtetba agiogo," ta sorkar ketdangsertemi metetdaksü.

India sorkari 2015-16 küm nungi tenzükba PMAY scheme kübok yimtsüng aser jilatem nung temsüa aliba kibongtem ki

asütsü atema teyari agüja arudar.

PMAY kübok tang tashi nung temsüa aliba sensaker kibongtem atema ki crore 4.21 sütsüogo. PMAY kübok sütsüba ki ajak nungji tanga scheme balala kübok metsümeshidak, LPG connection, electricity connection aser tzü connection lir.



June 10, 2024 nü New Delhi nung Bangladesh Ato kilonser Sheikh Hasina-i Congress lenirtem-Sonia Gandhi, Rahul Gandhi aser Priyanka Gandhi Vadra nunger ajurua senden amandang tangokba noksa nung angur.

ANTI MALARIA MONTH

JUNE 2024

MALARIA YA ANOPHELES TA AJABAMERLA TETSÜ AGI METEPA PLASMODIUM PARASITE AJANGA ADOKDAKTSÜR

MERLA YA TALISA TZÜ ATSÜNGDENA ALIDAK POKTETER

TONGTIBANG TEMAITSÜTEM:

FEVER

FATIGUE

CHILLS

HEADACHE

TAKÜM KÜMZÜKTSÜ ATEMA TEKERABA NUNG PUTETBA SÜLEN TREATMENT AGITSÜ NÜNGDAK.

“ALIMA TAJUNGBA AKÜM TSÜ ASOSHI MALARIA ANEMA TEKERABA NUNG RARATSÜLA”

- * KITEMEKET MERÜKTETA YUANG
- * MALARIA ALIBA TESEMTEM NUNG MEJANGDANG MERLA-SÜ AMSHIANG
- * AMANGTSÜ MAPANG NUNG MERLA MOZÜ AMSHIANG
- * SORKAR HOSPITAL AJAK NUNG MALARIA ANGATI TENDANGA TREATMENT AGITETSÜ.
- * STATE TESEM AJAKLEN LONG LASTING INSECTICIDAL NETS (LLIN) ANGATILEMA AGÜTSÜR.
- * TEMANG AJAK NEMBANGTSÜSA SÜOSHI ASEMTSÜLA.
- * KISHI ASER KICHIBA 'MESH' AGI NEMBANGANG.
- * ATSÜNGDENA ALIBA TZÜ INDOKANG MESÜRA NEMBANGA YUANG
- * NATIONAL VECTOR BORNE DISEASE CONTROL PROGRAM KÜBOK DIMAPUR ASER MOKOKCHUNG NUNG ALIBA HATCHERY UNIT NUNG LARVIVOROUS ANGO ANGÜTSÜ

FOLLOW US @nhmnagaland X @NagalandNhm

FOR MORE INFORMATION CONTACT THE Chief Medical Officer's Office/ Nearest Health Center.



TIR YIMYIM

YIMOBILEM (EDITORIAL)

DIMAPUR SANGTENNÜ, JUNE (AAMI) 11, 2024

Tesünep-a Nüngdak

- Tangsen Lemtur

Amongnü nikongdang Narendra Modi leniba nung NDA sorkar tasenba tenangzükba agiba sülen ghonda 24 tsüngda Union Cabinet mezüngbuba senden nung Pradhan Mantri Awas Yojana (PMAY) kübok yimti, jila aser yimtsüngtem nung sensakertem atema ano ki crore 3 tali sütsütsü atema sorkari teyari agütsütsü telemteba agibaji ajanga asentenshir ano terenlok mapa inyak tenzükba temaitsü tajung sayur. Onük jembidang Ato kilonser Modi-i aiben aianu aser adianutem ta jembir aser kü kibong nung züngsemtem, ta jembir. Tetezü pai India nunger nütsüng ajakji kibong ka nung züngsemtem ama züngshir. Ajisüaka kibong nung züngsemtemji tesünep nung alir asü malir, ta asübaji tongtibangba asütsü. Tamalen Ato kilonser Modi-i nüburtemi shisadangtsüsa onük tajung aika jembio. Pai Aso 21buba den liromedema terenlok alitsü, India nunger rongsenkettsüng 5 trillion dollar akümtsü, jenjang atuba azüoktsü, terenlok mapatem kera inyaktsü, tourism ajungkettsütsü aser sensak tia samatsütsü atema aiben jembir. 2047 küm tashi nungbo India ya terenlok linük ka akümtsü atema sorkari mangdang yur inyaker, aser iba nükjidong ataloktsü atema sorkari nüburtema ajungmesoa lenla balala nung kanga meranga inyaker. Atangji iba mangdangji ataloka India ya terenlok linük ka akümyonga linük nung kin aser yimsü nung ajemdaker telemsa adoka nüburtem tsüngda tesünep melira ki tajung nung pelaa melitetba ama asütsü. Anungji terenlok mapa inyakba denji liromedema nüburtema ajak tesünep nung litettsüsa lenirtemi jembia inyaktsüji kanga tongtibang. Atangji nungbo lenirtemi linük nung senso ajak tesünep nung putepa alitsü atema jembitsüla, ajisüaka telemsa adokdaktsütsüsa o jembir. Mongintemi ashiba agi, taküm Lok Sabha election nung yimtenren lenirtemi nüburtem tsüngda telemsa adokdaktsütsüsa o aika jembio, aser iba election atema nüboyimba mapang nung party temi vote angutsü nükjidong nung kin aser tamangba yimsü kanga amshia liasü. Association for Democratic Reforms (ADR) nungi Jagdeep Chokar-ia, "Kin, tamangba yimsü aser region nung ajemdaker telemsa adokdaktsütsüsa (lenirtemi) kanga jembio. Iba küm ya taoba mapangtem ama masü. Election mapang nung kanga tongtibang onüktem rongnung kin densema lir, ajisüaka taküm election nungbo kin aser tamangba yimsü naprongla nung ajemdaker politics asayaogo," ta metetdakja liasü. Atangji alima nung alir asünungji linük ka ama tangar menepa terenlok alitsü aser rongsenkettzüng jenjang ajungtsü atema inyaktsüji tongtibang, ajisüaka iba denji külemi linük nung kin, oshi-open aser tamangba yimsü balala amangertem ajak külemi putepa litettsüsa ajungshia inyaktsüjia tongtibang. Terenlok mapa aser rongsen kija agi nübur ajakbo melungsür malir, saka 'ya ozü lima' ta bilema tetsübu/ tarendak kecha makai sadoksadoka tesünep nung liner aika lir. India nunger lenirtemi tangar dangbo India ya kin balala, tamangba yimsü balala aser lokti temeyoktep aika külemi tesünep nung longjema litetba linük ka, ta nüma tang-tanga jembir, saka jembiba o mapa naji meputepi kümogo.

OLEMSABANG

AOLI WATSÜ MUNG DANG TENZÜKBA OTSÜ TATSÜ AGI

- Wt. Meyisongla, Rtd. Deputy Director
Nursing Nagaland, Kohima

Asen Ao lima/Naga lima kanga damang tia nong alidang eg: Azüng zülü maka süng long külema limapur, memerak half naked, aser yim o yim na, kin o kin lepteba alidang American Baptist Mission nongi Dr. Clark aser teputsü tena asen limai arua Khristian yimsü tasen aser tajung sayutsü tenzük. Asen sobaliba kanga tajung aser takang ta reprangteta parnoki bener aruba yimsü tajung yakta magizükli ta sür asen sobaliba aser sübosolemtsü ajak ya temenen ta sayu.

Külen British yimsüsüba tasen British nongeri bener aruba denji külemi tangar bendanger sobilabi ajak asen lima sünga prokshi. Anungji Aotsür Aori tangar tashi temeteteri bener aruba yimya ajakji penpua, tasen tasen bushia anidak aser asen sobaliba tajung ajak samaa oyaa liasü eg:- Asen tetsü oshi, jayajako tajung, sosem tangsem, temeimtep, tesendaktep ajak samaa ao. Eg: mama, papa, unty, uncle jatep aser Nagamese agidang tsürapur dena jembia.

- Asen sübosolemtsü tajung mesenmotoi temenena ta akem. Eg: tsüngkotepsü aser süpang sü etc temenen ta belemdaktsü.
- Achiajemtsü nong mekemdang, chitiongti. Aseni yangluba rice beer melen Rum, whiskey agi melen. Hardwork agi.
- Azü mesen agi melin, ochishiba to yazü aour dang akem, Nüktapangta aser palaolar aika adok.

Temeimtep agi tesemba, Nükmeren aser raratep agi sünger liasü.

- Rakzükraktermer jenti adok. Meshimetsür agi asüng. Iba mapang nong Mrs. L. Bendangla Jamir Ungma ABM Secretary alidang 1981 küm Impur nong ABM **Central Council** meeting liasü. Lai shisateta ABMi awajema meinyaktetba social issues aika inyaktsü asoshi Aotsür temeja, tazünger aser tulutsür ayongdena (Educated ladies and officers) wivestem asoshi seminar ka akatsü lemtet. Iba wadang asoshi Nagalima ajak nongi. Parnok 30 shimteta "Steering committee" ka yanglua parnoki 1982 Feb. ita watsü Rentikala Mokokchung town, kidong senden ka amen.

Parnoki program ka yanglua Educated ladies aser officers' wives 23rd - 25th April 1982, Mokokchung town hall nong among. Nutsüng ajak agi 140 shi adenshi. Iba seminar nong adener ajak Mokokchung town Arogotsür aser ABMi süngo aser chiyongtsü agütsüa chiyongdaktsür.

Iba senden nong jembiba onüktem:-

1. Sobaliba nong tetsür shilem (Role of women in culture)
2. Yimten nong tetsür shilem (Role of women in politics)
3. Loktiliba nong tetsür shilem (Role of women in society)

Item onük nongi tangazükba aika angu.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Pakistan nung Tsüngrem mezüngmeshiba ozüng agientsü akhanger



June 08, 2024 nü Lahore nung Khristantemi Pakistan nung Tsüngrem mezüngmeshiba ozüng agientsüla, ta takhangba agüja longkak aيتدang tangokba noksa nung angur.

June 10, 2024: Tawa Pakistan nung lokti kati Khristan ka dak azükba sülen hospital nung temongdak mapang asüba anema taoba hopta tatembanglen Pakistan nung Punjab province yimtiba, Lahore nung Khristan 300 shi adenshia linük nung Tsüngrem mezüngmeshiba ozüng agientsüla, ta takhangba agüja longkak ait.

June 8, 2024 nü Lahore nung longkak aitba mapang Khristantemi, Tsüngrem mezüngmeshiba ozüng kübok tiyazü nung tai tonglokja Muslim nungertemi Khristantem dak azükba sorkari menokdangteter, ta aitsü.

Punjab province kübok Sargodha district nung Muslim nung telok kati arrshi küm 74 Khristan, Nazir Masih dak kanga mejungi azükba sülen pa hospital nung temongdak mapang June 3, 2024 nü asü. Longkak aيتدertem jagi asür Nazir Masih noksa ka meketa candle tsükloker longkak ait.

Longkak aitba sentong nungji Rawadari Tehreek nung Chairman, Samson Salamat-i, "Sorkari alia oa inyakba tamangba yimsü teloktem pusemba ya anentsüla. Joko minorities-i aonung amoi aotsüa tsübur, kechiyong nisung kari Tsüngrem mezüngmeshiba oset kar parnok kima yutsütsüa akok, ta parnoki bilemer," ta ashi.

Salamat-isa, May 25 nü Masih-i Quran kaket nungi tapak kar shisatsü, ta pa nem tai tonglokja olulu prokba sülen Muslim nungertemi lokti kati pa dak azük, ta ashi.

"Tsüngrem mezüngmeshi, ta tiyazü nung tai tongloksüba anema ozüng tasen ka yanglutsü onoki akhanger, aser linük nung loktii Khristantem amakba tatalokbatem ajak bushisüngdangtsü atema onoki akhanger," ta paisa metetdaksü.

June 3 nüa UK nung amenoka aliba Christian Solidarity Worldwide (CSW)-i Pakistan nung Tsüngrem mezüngmeshiba ozüng agientsüla, ta takhangba agüja liasü.

CSW tentetsang aser Tir, Mervyn Thomas-i, "Onoki Tsüngrem mezüngmeshiba ozüngtem agientsü atema maneni Pakistan dang akhanger. Item ozüng ya linük aser international ozüngtem kübok yimsü temeden atema tezüngzüktep alema lir," ta metetdaksü.

Thomas-isa, police-i mapang shidak nung tiyongtsüi ia inyak asübo Masih taküm kümzükür lila, ta ashi.

Pakistan nung Tsüngrem mezüngmeshiba ozüng ajanga aibelenertem tasü itdaksür aser tashiyim amshir, ta paisa metetdaksü.

Nütsüng million 241 aliba

Pakistan linük nung Khristan nütsüngbo shilem 1.6 shi dang lir, aser Hindu nungertemi nütsünga shilem 1.6 shi dang lir.

Pakistan's Penal Code kübok Islam yimsü anema mesüra ainkar Mohammad anema inyakba mesüra jembibaji ozüng alema lir. Iba ozüng kübok aibelenertem taküm piyong tepuokdak ayutsü akok mesüra tasüba temerenshia agütsütsü akok.

1980s mapang nungi tenzüka tanü tashi nung Tsüngrem mezüngmeshiba ozüng kübok tanga yimsü amangertem dang masü saka Muslim nungera aika pua tepuokdak yuogo, ajisüaka tanü tashi nung shinga nem-a tasüba temerenshibo magütsü. Ajjisüaka iba ozüng kübok tai tonglokja loktii nisung tepsetba tatalokbabo aika lir.

Lahore nung amenoka aliba Khristan temeden atema inyakba telok Center for Social Justice-i ashiba agi, yaküm kija nunga Pakistan nung Tsüngrem mezüngmeshiba ozüng kübok tai tonglokja loktii nisung tenetbo tepsetogo aser item tatalokba pezübo Pakistan kübok nütüng teimtiba aliba Punjab province nung liasü.

1994 nungi 2023 küm tashi nung Tsüngrem mezüngmeshiba ozüng kübok tai tonglokja loktii nisung 95 bo tepsetogo, ta Centre for Social Justice-i metetdaksü.

US nung Protestant pastor shilem 21-ibo kasa kiyimba pusemer

June 10, 2024: United States nung Protestant pastor tem shilem 21-ibo kasa kiyimba (tetsür o tetsür na mesüra tebur o tebur na kiyimba) nungji kecha tai mali ta ashir, ta Lifeway Research study ka ajanga metetdaksü.

Ajisüaka Protestant pastor tem shilem 75-ibo kasa kiyimba anema nokdaker aser shilem 4-ibo iba onük nung pei tangatetba mejangja ta ashir.

Lifeway Research studies ajanga ashiba agi, 2010 küm US nung Protestant pastor shilem 15-i kasa kiyimba pusema liasü saka tangbo kasa kiyimba pusemer Protestant pastor shilem 21 kümogo. 2019 küm nungbo kasa kiyimer pusemba Protestant pastor shilem 24

liasü aser tangbo tera ajema shilem 21 dang lir.

US nung aser judiciary nung denomination balala tsüngda kasa kiyimba onük nung o entepa arudar.

Lifeway Research nung executive director, Scott McConnell-i, "Kasa kiyimba pusemer pastor tem teimba makümer, ajisüaka tamalen teimba akümbaji talisa mainline pastor tem liasü saka tang tesüsa survey agiba ajangabo kasa kiyimba pastor tem teimba makümba bushitetogo," ta metetdaksü.

Ano külen US nung Evangelical pastor temibo tang tashi kasa kiyimba anema nokdaker. 2010 küm nungi tenzüka Evangelical pastor

tem shilem 10 dang nungi tajembai dang kasa kiyimba pusemer. Tanü US nung kasa kiyimba nungji kecha tai mali, ta bilemer evangelical Protestant pastor tem shilem 7 dang lir.

Methodists pastor tem shilem 53, Presbyterian/Reformed pastor tem shilem 36 aser Lutherans pastor tem shilem 34-i kasa kiyimba pusemtsüa akok. Ajisüaka Restorationist Movement pastor tembo shilem 8-i dang kasa kiyimba pusemtsüa akok; non-denominational pastor tem shilem 5, Baptist pastor tem shilem 4 aser Pentecostal pastor tem shilem 1-i dang kasa kiyimba pusemtsüa akok, ta kasa survey ajanga bushitet.

ANOGO ABEN TSÜNGREM DEN

Koya Aritepba

"Shibai atem aser shibai tzü aien tenaji ka dang, saka pamok nisung shiai pei mapa yari sempet angutsü" (1 Kor. 3:8)

Khristan tenzüka nung tenzüker aika aliba aser ishika aliba züngdangteper. Iba ama koya asemtepba mapa Khristan tenzüka mapa nung malitsüla. Asenok asüküm nungi kümzüktsü asoshi Khrista kangki-i asenok taküm nung mapa inyakdaksütsüla. Tejen aser Tasen Lai anaprongla nung masükümtsüla ta kümdangshidaktsür. "Anungji zülua aliba ama, shibai ulur pai Kibuba nung uludakjang" (1 Kor. 1:31). "Kibubai yamai ashir, shisa akar nisungi pei shisatsü nung asü teküm, mesüra tashi tulu nisungi pei tashi nung asü teküm. . . . Temeim, yimlibilem 0 bendang aser temeshiba inyakbaji ni Kibuba lir: item nung ni pelar" (Yerimia 9:23,24). Yangi shisatsüji tenzüka mapa nung asameyang tajung amshiba, mapa meranga inyakba aser asen sen amshiba tsütsü jembiba lir.

Yohan 4: 1-3 nung, kodang Farisitemi Yohan dangbo pai nütsüng teimba kümdaksüba aser baptitsüba angashi, pai Yihuda toktsür Galilee tanaben meyipa ao. Teinyakba ka dang lepshia meinyaktsüasoshi Pai ya inyak. Pauli kasaji inyak (2 Kor. 10:13-16).

Tajung nung toktepbaji junger. Iba nungi asenoki kati ka nungi angazüktsü akok. Tangar takok nung pelateptsü aseni angazüktsüla (Rom 12: 15). Tenük merema toktepbaji indoktsüla. Ibaji Khristan mapa masü.

" Kibuba, Tajung nung toktepbaji tanela kü dak adokdakjang."

KLBC D. Block Youth Depart. pur 21buba Foundation Day among



June 09, 2024 nü Kohima Liangmai Baptist Church D. Block youth Department pur 21buba Youth Foundation Day sentong nung Pastor, N. Silubo Zeliang-i lanurtem atema sarasademtsüdang tangokba nokksa nung angur.

Kohima, June 10 (TYO): bulua aliba indang June 09, 2024 nü Kohima metetdaksü.

Liangmai Baptist Church D. Block youth Department-i 21buba Youth Foundation Day mongogo, ta Rutmakbo Media Cell, KLBC D.Block Kohima sangdong ajanga metetdaksü.

Iba sentong nung jembidang Dr. Zaiwang-i, lanur asüba mapang ya tarutsü atema renemshiba mapang aser ajak yanglusan Tsüngrem atema temeshi taküm aliba mapang ka lir, ta ashi.

Paisa, lanur ka dak Khrista maitsü alitsüla aser Khrista atema alitsüla, ta ayongzük.

Dr. Zaiwang-isa tanü putu nung lanurtem rongnung medemer tsütsülen nungi tatidang aruba aser mental health tsütsü timtem kanga

bulua aliba indang metetdaksü.

Dr. Zaiwang-i lanurtem dang, Khristan tangatetba nung ajemdaker social media kanga kümdanga amshitsüla, ta ayongzük.

Dr. Zaiwang-isa lanurtem dang tarutsü nung Arogo aser loktiliba nung lenir tajung kaka akümtsü ayongzüka liasü.

Iba sentong ya Mairisibo leniba nung agi aser youth department-i 'temenen nung mekongshitsüla' onük nung ajemdaker jilushi ka saya.

Iba sentong tembanga youth advisor, Namzuabo Newmai-i sarasademba sülen Er. Khenglubo, Dr. Obed aser Dr. Alung nungeri sentong nung adenertem ajak chiyungdakja liasü.

**AO OSHI ANGAZÜKDAK:
TANÜ ANGAZÜKTSÜBA OJANG**



Süsünangsü

(adj) tesüsü, tokuro (miserly)

* Asenok kar dakbo süsünangsü jakla keta lir.

Sütaksürür

(adv) anüalem, atsüa maru (lethargy)

* Sütaksürür nisungi kibong anir moutettsü.

OLONG PAITEP # 6815

	1			2	3			
4			5					6
					7			
	8							
	9		10			11		
					12			13
14								
					15			

TIPIEN

- 2. Sü jeplok - (4)
- 4. O agi merenshi - (5)
- 7. Ayongküm li - (5)
- 8. Chiyungtsü mapang süiadok - (4)
- 9. Tsüngrem den jembiba - (9)
- 12. Saklok - (4)
- 14. Samaba mebushitet - (5)
- 15. Mejanga onü - (5)
- 16. Tzü shiruru ka - (4)

LANGTSÜNGLEN

- 1. _____ i - (4)
- 3. Kasa masü - (6)
- 5. Nüchi masü - (5)
- 6. Tashi endok - (5)
- 9. Langtem - (5)
- 10. Anü malidang - (6)
- 11. _____ kibur - (5)
- 13. Tebur tembar tsüngda jatepba - (4)

OLONG PAITEP # 6814 TELANGZÜBA

TIPIEN :

- 1. Semtu, 3. Lepko, 5. Bilem,
- 8. Ulu, 10. Tsüngpang,
- 11. Tesangwa, 13. Aoksa,
- 15. Putir, 16. Yipru.

LANGTSÜNGLEN :

- 1. Sayu, 2. Teb, 4. Kimong,
- 6. Lungkak, 7. Milak,
- 9. Zünga, 10. Temopu,
- 12. Walu, 14. Ali.

NAI-A YA METETTER MA

France nunger medemer anati alima nung "tallest rideable bicycle" yangluogo. Nicolas Barrioz aser David Peyrou nati yanglutetba bicycle dang "Starbike" ta ajar aser azüklen 7.77 metres (25 ft 5 in) talang lir.

Bicycle nung aliba ama "Starbike" nung saddle, standard-sized wheels 2 aser brake levers 2 den sendak tepa handlebar ka keta lir. Maneni, bicycle indang pedal ya 16-metre (53-ft) chain kati tesülen tyre den sendak tepa lir aser Michelin-i tyre ya tena nem angati dang agütsü.



Sikkim cabinet nung minister 12-i tezüngzüktep agiogo



Gangtok, June 10, 2024

(Agencies): Sikkim Chief Minister Prem Singh Tamang-i cabinet nung temelenshi aika süogo aser iba ajanga senior ministers 5 tashi züngdok.

Sikkim state cabinet tasenba nung medensemba minister temji B.S. Panth, Loknath Sharma, Sanjeet Kharel, L.B. Das aser M.N. Sherpa nunger lir.

Paljor Stadium nung Sikkim Krantikari Morcha (SKM)

sorkar kümsük tanaben tezüngzüktep agia liasü. Iba sentong nung Governor Lakshman Acharya-i minister tem nem tezüngzüktep agidaktsü.

Züngsem 12 agi akümba cabinet nung Arun Upreti, Samdup Lepcha, Bhim Hang Limboo, Bhojraj Rai, G.T Dhungel, Puran Gurung, Pintso Namgyal Lepcha, N.B. Dahal, Sonam Lama, Raju Basnett

asert Tshering Thendup Bhutia nunger lir.

Chief Minister Prem Singh Tamang-i cabinet nung tejak tasen kar aniokba ya Sikkim nung yimtenren tereprangtsü melenshiba lir.

Tesüiba sorkar nung senior minister temi tongtipang shilem agia liasü aser tang parnok mezüngokba ajanga political analysts aser public tsüngda o atsüteper.

AIUFD MLA Aminul Islam-i party nungi anener

Guwahati, June 10, 2024

(Agencies): Lok Sabha elections nung tamakok tulu anguba sülen AIUFD MLA Aminul Islam-i party toktsüogo.

Hombarnü Islam-i AIUFD tanishir Badruddin Ajmal nem pa party nungi anenba shidi agütsü. Assam Lok Sabha election

nung AIUFD-i tamakok anguba atema pai tenüng agiogo.

Islam-i 2021 nungi Mankachar Assembly constituency nungi toktepa arur saka Lok Sabha elections nung tamakok tulu anguba atema mepelai pai party nungi anen. Assam nung Lok Sabha

menden 14 nungi AIUFD-i 3-Dhubri, Karimganj aser Nagaon nung toktep saka menden ka nung danga takok mangu.

Dhubri nung AIUFD tanishir Badruddin Ajmal-i Congress candidate Rakibul Hussain tsüngdang tamakok angu.

"CHIYUNGTSÜ TIMI AYÜTSÜBA YA NISUNG AJAK TEBILEMSTÜ KHURET LIR"

YA METETANG!

Annual Return file asütsü atema mapang apuloktsüogo.

Food Safety & Standards Act 2006 kübok Annual Return agütsütsü atema temetettsü

- * Temsüa aliba Food Business Operators: FSSAI license category kübok Food manufactures ajak (including Repackers and Relabellers), importers aser exporters.
- * Food Safety & Standards (License & Registration of Food Business) Regulation 2011 indang clause 2.1.13 kübok kümshia Annual Return file asütsüla.
- * Annual Return Submission atema tatembang anogo 30th June 2024
- * Online nung <https://foscos.fssai.gov.in> ajanga dang agütsütsü.
- * Non-submission asüba atema w.e.f 1st July 2024 nungi anogoshia Rs.100 agütsü.
- * FY 2023-24 nung maparen kecha meinyak süra, Nil Return File süang.
- * Revised Annual Return file sütettsü.
- * Without fee, if revised upto 30th June 2024.
- * 1st July 2024 aser 31st March 2025 tsüngda revise ser lira fee agütsü.

Forgiveness mail usat: foodsafetynagalandhelpline@gmail.com or contact us: +91 6009970644
Time-11:00 a.m - 2:00 p.m, TUESDAY & THURSDAY (on working days)

**Issued by State Food Safety Authority,
Department of Health and Family Welfare, Govt. of Nagaland.**

Sudan paramilitary RSF-i Darfur nung tatebangbuba mozüki amak

Khartoum, Aami/June 10 Doctors Without Borders, shirangertem dak injang (Agencies): Sudan nung Rapid shirnoki French initials MSF Support Forces (RSF) amshiar parnoki Deobarnü paramilitary-i, Darfur tesem menor ashiba agi, RSF-i North nung inyaksangshia aliba Darfur province yimtiba el-tatebangbuba mozüki makogo, Fasher nung South Hospital ta international aid telok kati Honibarnü maka liasü. Iba telok metetdaksü. yagi medical staff aser (Maneni tapak 8 nung...)

TEPELA YIMYIM

18th Lok Sabha election nung Nagaland nübur telongjem nung kija aser lokti tentet shirisa rongsen den nübu, tamang sarasadem aser shisatsü teyaritep ajanga otsüsütsü kuma Wb. S. Spongmeren Jamir, NPCC President, Nagaland meyonga MP aotsüsa takok tulu ngutetba asoshi Tsüngrem tenüng sanga ozü Longsa Sangpu Lemtu-Ongerna yimdeni pelaba sangdonger.

Alima nübur mulungchia tenzüktetsüsa Tsüngremi asen lenir nem shisatsü, anema aliba aser arishi talang moajangma ta sarasademtsür.

Sangpu Lemtu-Onger tenüng nung;
Temjensosang Tatar
Noklenmar Tatar
Nungsangtemshi Tatar
Noklenrenba Tatar

NERES XVI Power Transmission Limited

Core-4, Scope Complex 7, Lodhi Road, New Delhi – 110003

Form II


NOTICE
 [Under sub-section (2) of Section 15 of the Electricity Act, 2003]

1. NERES XVI Power Transmission Limited ("NERES") ya Core-4, Scope Complex 7, Lodhi Road, New Delhi-110003 nung Registered Office lir, koba Companies Act, 2013 kübok incorporate süa lir, aser tsünglanglen tejangja agüja aliba transmission lines, sub-stations aer danga assets atema transmission license agütsütsü atema Electricity Act, 2003 indang Section 15 indang sub-section (1) kübok Central Electricity Regulatory Commission, New Delhi matsüngdang Applications agütsüogo:-

Sl. No	Name of the line/ Sub-station	Line length / Capacity	Levelized Transmission Charges (as application is selected in accordance with guidelines for competitive bidding)	Commissioning Schedule	Remarks
Transmission Lines					
1.	400kV line bays: 4 nos. [for termination of LILO of one D/c line (ckt-1 & ckt-2 of line-1) of Lower Subansiri - Biswanath Chariali 400kV (Twin Lapwing) 2xD/c lines]	Loop In – 7.626 KM Loop Out- 7.753KM	Rs. 490.15 Million per annum	30 Months from date of signing of SPA (30.11.2026)	This element is not traversing or located, wholly or partly, in any cantonment, aerodrome, fortress, arsenal, dockyard or camp or any of the buildings or place in occupation of the Government for Defence purposes or up to a distance of 2 KMs.
2.	220kV line bays: 2 nos. [for termination of Bihpuria – Gogamukh 220kV D/c line (line to be implemented by AEGCL)]	Line not in scope of TSP (to be implemented by AEGCL)			Line not in scope of TSP (to be implemented by AEGCL).
3.	132kV line bays: 4 nos. [2 no. for termination of LILO of one circuit of North Lakhimpur – Dhemaji 132kV new D/c line (LILO to be implemented by AEGCL) & 2 no. for termination of Gogamukh (ISTS) – Gerukamukh (Arunachal Pradesh) 132kV D/c line]	Line not in scope of TSP (to be implemented by AEGCL) 29.410 KM			Line not in scope of TSP (to be implemented by AEGCL). This element is not traversing or located, wholly or partly, in any cantonment, aerodrome, fortress, arsenal, dockyard or camp or any of the buildings or place in occupation of the Government for Defence purposes or up to a distance of 2 KMs. However, following is noteworthy for this element of the Project:- 1. The line crosses through the reserve Forest: (AP30) – Gantry Gerukamukh: • Name: Subansiri Reserved Forest • Forest Stretch: 5.98 KM • Affected Forest Area: 161460 sqm 2. A large water body (NHPC Ltd.'s Subansiri Dam) is within 2 KM vicinity from locations AP 36 & 37. 3. There will be three power line crossings, one NH crossing, one SH crossing, and one railway crossing. 4. There will be two river crossings – one major [Subansiri River (AP41-AP42)] and one minor [Dirpi river (AP30-AP31)]
Substations					
4.	Gogamukh 400/220/132kV substation	500MVA, 400/220kV - 2 Nos 200MVA, 220/132kV- 2 Nos	Rs. 490.15 Million per annum	30 Months from date of signing of SPA (30.11.2026)	This element is not traversing or located, wholly or partly, in any cantonment, aerodrome, fortress, arsenal, dockyard or camp or any of the buildings or place in occupation of the Government for Defence purposes or up to a distance of 2 KMs.
5.	Gerukamukh (Arunachal Pradesh) 132kV substation	132kV substation			This element is not traversing or located, wholly or partly, in any cantonment, aerodrome, fortress, arsenal, dockyard or camp or any of the buildings or place in occupation of the Government for Defence purposes or up to a distance of 2 KMs.

2. Central Electricity Regulatory Commission nem agütsüba application aser danga documents tem nisung mashie website (<https://www.techno.co.in/> under Investor> General Information for access (https://www.techno.co.in/public/uploads/2/2024-06/techno_application_for_tt_final1.pdf) nung angutsü. Application ya 415/2, 4th Floor, Saffron Enclave, Motorola Building, MG Road, Sector 14, Gurugram, 122001 nung Company indang office nunga Mr. Dinesh Parakh mesüra Central Electricity Regulatory Commission indang office nungi Central Electricity Regulatory Commission ajanga latetja aliba yimya nung reprangtettsü.

3. Tai apuba aser temelenshitsu lira, Secretary, Central Electricity Regulatory Commission, 6th, 7th & 8th Floors, Tower B, World Trade Centre, Nauroji Nagar, New Delhi-110029 nem agütsütsüla aser objection (s) / suggestion(s) indang copy ka Applicant mesüra authorized agent (Mr. Dinesh Parakh at dinesh.parakh@techno.co.in) nem osang kaket nung iba osang sangdonger anogo 30 tsüngta agütsütsüla.



Mr. Dinesh Parakh,
Additional Director, NERES
[Name and designation of the authorized signatory]

Place: Gurugram
Date: 08.06.2024

Israel war cabinet minister Benny Gantz sorkar nungi anenogo



Tel Aviv, Aami/June 10

(Agencies): Israel Ato Kilonser Benjamin Netanyahu-i Gaza asoshi rara sülen atema sentong yangluba nung telemsa tali adokba temaitsü ka ama Israel war cabinet minister Benny Hantz emergency government nungi anenogo.

Deobarnü Tel Aviv nungi osangbener den jembidang Gantz-i sorkar nungi anenba sangdong aser temulung animesüngzükteti iba telemtetba agir ta ashi.

"Tia maka Netanyahu-i shidakba takok nungi asenok nokdanga ayur, aser iba yongji tang temulung shirangtsüka timtem ajurur," ta pai ashi.

Gantz ya nisung aikati Israel nung yimsü asütsü tokteper tashi tait ka akumtsü ta züngshir aser pai election agitsü anogo ka latetang ta Netanyahu dang ashir.

Netanyahu-i social media X nung, "Benny, tangya campaign nungi anentsü mapang masü, tang ya lungjemer nokdaksü mapang lir," ta telangzüba agüja liasü.

Yimtenren tsütsü Gantz aser Netanyahu ya telok bakaka nungi lir aser Gantz ya taoba mapang Israel Defense Forces (IDF) nung chief of staff inyaka liasü.

Par centrist National Unity party ya opposition nung October 11, 2023 tashi liasü, saka October 7 nü Hamas-i Israel amakba sülen rara tenzüker pai Netanyahu den emergency government ka kumtettsü mulung.

Iba emergency government nung National Unity ya post pongu lir.

Tang opposition lenir Yari Lapid-ia Gantz telemtetba

bhukum aser iba telemtetba ya tongtipang aser shidak, ta social media nung shia liasü.

Iba osang sangdongli far-right National Security Minister Itamar Ben-Gvir-i war cabinet nung menden ka meshia liasü.

Ben-Gvir ta right-wing coalition nung shilem ka lir aser US Tir Joe Biden-i benokba ceasefire sentong Israel-i agizükra sorkar nungi anena sorkar laodaksütsü amokmerena liasü.

June 8 tashinung Netanyahu dang Gaza nung Hamas-i yimsü asüba tatem kati arudaksütsü aser iba tesem nung multinational civilian administration amenoktsü densema "strategic goals" trok koktettsü sentong aser tasa sayuang ta taoba ita Gantz-i anogo züngzütsü.

Ajisüaka ato kilonseri iba ama o jembiba yagi Israel asoshi tamakok bener arutsü ta shia liasü.

Osangbener senden nung jembidang, Gantz-i sorkar nungi anenba kisung masü saka National Unity party nungia pa ainshir ta ashi, kong pa menden lir.

Iba mera yagi Israel sorkar melaotsü, kechiaser menden 120 aliba Knesset nung Netanyahu teloki menden 64 agia lir.

Ajisüaka iba yagi ato kilonser tali azüngmeyaka akumtsü aser pai rara ketdangsüba nung yimtenren tsütsü telemsa tali adoktsü.

US Secretary of State Antony Blinken-i asemnü atema region semdangtsü anogo ka lia iba osang ya sangdonger, kong pai Israel, Egypt, Jordan aser Qatar semdanga ceasefire agreement ajema jembitsü.

Deobarnü sa ano Israel army-i IDF indang Gaza division aniba commander ka mapa nungi anenba sangdonga liasü.

Rara tenzüka sülen IDF combat commander mezüngbuba menden nungi alubaji Brigadier General Avi Rosenfeld ya alitsü.

IOA aser WFI nati Olympic nung asayatsü aliba wrestler tem nem teyari agütsütsü

Aami/June 10, 2024 (Agencies): Indian Olympic Association-i Olympics nung asayatsü aliba wrestler trok nem takokba tashi teyari agütsütsü, aser Vinesh Phogat-i la training atema teyari tali meshiba agütsütsü atema WFI-i agizükogo.

India tsür wrestler tem rongnungi Vinesh Phogat (50kg), Antim Panghal (53kg), Anshu Malik (57kg), Nisha Dahiya (68kg) aser Reetika Hooda (76kg) aser teburtem rongnungi Aman Sehrawat (57kg) nunger Paris Olympics atema qualify süogo.

IOA tir PT Usha-i

Hombarnü sangdong ka ajanga ashiba agi, wrestler tem tajungtiba asayadaksütsü atema iba jenjang agir.

"Team nem takok tashi teyari agütsütsü atema onoki asayatem nem resource tajungtiba agüja parnok tajungtiba asayadaksütsü nükjidong lir. Asayatem kecha tetsükdaksü makai tejakdangi aotsü atema lenmang lapoktsütsü asoshi onok bendanga agütsür aliba nung iba ya shilem ka lir," ta Usha-i ashi.

Olympics nung masaya tsüngda coach, physiotherapist, nutritionist,

mental-conditioning coach, aser tanga essential staff tem densema wrestler tem atema support team tajung ka tentetsütsü IOA aser WFI nati sentong ka yangludar.

Wrestling Federation of India tir Sanjay Singh-i ashiba agi, Asian Games gold medallist Vinesh nem la Paris atema training agitsü atema support staff talila agütsütsü.

"Vinesh aser tanga wrestler tem ajak temaba jenjang nung asaya-a linük asoshi takok tajung bener arudaksütsü atema takokba tashi teyari agütsütsü atema jenjang agitsü," ta pai ashi.

Champions Trophy nung India team Lahore nung amendaker asayadaksütsü PCB-i benok

Aami/June 10, 2024 (Agencies): India team nem security tajungtiba agütsütsü atema Pakistan Cricket Board-i, taruba küm ICC Champions Trophy mapa India team Lahore nung amendaker asayadaksütsü benokdangogo.

PCB source kati ashiba agi, iba asayamung indang draft itinerary den külemi iba onük ya taoba küm April ita ICC nem agütsüogo.

"Senzüsenpong tajemba kümdaksütsü aser security takokba tashi tajungtiba agütsütsü atema India team amendaker asayatsü atema Lahore benokdangogo," ta source yagi ashi.

Security dak sendakba nung India-i taoba küm Pakistan nung Asia Cup nung masayatsü atema telemteba agia liasü, aser ibayongji parnok asaya ajaka Sri Lanka nung asaya liasü.

Iba ICC 50-over asayamung ya taruba küm Pakistan nung February 19 nungi March 9 tashi asayatsü. PCB-i, Champions Trophy

nung asayatem atema ano Karachi aser Rawalpindi na benokdangogo, ajisiüka ICC executive board-i iba draft schedule ya ano agizüka mali.

1996 küm sülen tang mezüngbuba Pakistan nung ICC asayamung tongtibang ka ayongzüka asayatsü lir. Pakistan-i 2008 küm aser taoba küm Asia Cup bo ayongzüka asayaogo.

ICC Champions Trophy nung shilem agitsü atema India team yoktsü meyoktsü iba indang BCCI-i tang tashi nung kecha osang agüja mali.

PCB mendenbuba Mohsin Naqvi-i ashiba agi, Champions Trophy masaya tsüngda Lahore, Karachi, aser Rawalpindi nung stadium tem yanglushitsü.

Maneni PCB-i, taruba küm Pakistan Super League Champions Trophy masaya tsüngda April ita asayatsü ta metetdaksü. Iba ICC asayamung masaya tsüngda PCB-isa, South Africa aser New Zealand na den tri-series ka ayongzüka asayanüba metetdaksüogo.

Man Utd-i Sancho atema pound million 40 aginer



Aami/June 10, 2024 (Agencies): Manchester United-i winger Jadon Sancho atema pound million 40 aginer.

Manager Erik ten Hag den mangatettep adokba sülen Sancho taoba season tesaadang kabo Borussia Dortmund nungi asaya liasü.

Arishi küm 24 tain asayar yagi Dortmund pur Champions League final tonga asayaba mapang teyari tulu agütsüogo. Final asaya nung pa tetenzük

südir süaka United puri Sancho ayoktsü atema telemteba agiogo, aser parnoki England nunger international asayar atema pound million 40 aginer.

Dortmund puri taruba season-a Sancho asayadaksünener, saka pa loan nung asayadaksütsü atema merangdar.

Kasa mapang nung United puri pa yokatokner, kechiyong Financial Fair Play (FFP) dak sendakba nung tenokdangba balala agütsür aliba ajanga transfer funds ya tatakzük ka dang asütsü.

Sancho, shiba 2021 küm July ita Dortmund nungi pound million 73 yong United nung arua aden, pa den tenangzüktepa yangluba ano küm ana anunga lir.

Taoba mapang Europe nung Juventus pur densema club ishikati Sancho alitsü atema tejangraba aliba lemsatepogo.

Sandeep Lamichhane Nepal team nung adentsü

Aami/June 10, 2024 (Agencies): Nepal nunger cricket asayar Sandeep Lamichhane, shiba visa dak sendakba nung tetsükdaksü adokba ajanga United States nung asayaba asayatem nung masayatetsüsa aküm pa ICC T20 World Cup atema West Indies nung team den longjemtsü, ta Nepal Cricket Association-i Hombarnü metetdaksü.

"Tang asaya aliba ICC T20 World Cup atema Nepal nunger asayar Sandeep Lamichhane West Indies-i aotsü aser pa Nepali national cricket team nung adentsü," ta association secretary Paras Khadka-i ashi.

T20 World Cup ya United States aser West Indies nung tang tasayadak lir. Lamichhane ya Nepal team nung tetenzük nungi züngoksemtsü sentong liasü, saka pa U.S. atema visa anaben tashi apply asüba magizüki liasü.



Lamichhane-i X ajanga, "ni West Indies nung tanungba asaya ana atema national team nung adentsü aser ni kü nükjidong ataloktsü atema yongyaseta atar," ta ashi.

Arishi küm 23 tain spin bowler ya Nepali cricket nung kanga nungtugu liasü, ajisiüka 2022 küm Kathmandu nung hotel ka nung tetsür ka den tashiyim agi medemba atema aitsüba sülen tetsükdaksü aika ajangshia liasü.

Pa nem küm ti atema tenokdangba agütsür aliba taoba ita agintsüogo aser iba ajanga pa cricket asaya nung tanaben asayatsü asoshi maongka ngutetogo.

T20 World Cup nung Nepal team mezüngbuba asaya nung Netherlands-i wicket trok agi akok. Parnok Bodhbarnü Florida nung Sri Lanka den asayatsü aser iba sülen West Indies nung oa South Africa aser Bangladesh den asayatsü.

BENDANGLI OSANG : Tapak 7 nungi...

Sudan paramilitary RSF-i Darfur nung...

Mozüki tang mezüngbuba amaker masü, kechiyong staff aser shirangertem hopta aika telok balalai amokmerenba ajanga timtem arudar, ajisiüka mozüki telung nung injang khaloktsüba yabo tali," ta MSF nung emergency operations tekolakba Michel Lacharite-i ashi.

2023 küm April ita tom nung Sudan nung Sudanese Armed Forces (SAF) aser paramilitary RSF na raratep tenzük aser iba ajanga nisung aika jenshitsüsa aküm aser nisung 15,500 shi asüba United Nations-i asatetogo.

El-Fasher ya Darfur nung SAF-i amokbanger aliba tatembangbuba tesem lir aser iba tesem ya humanitarian mapa balala inyakba tongtibang tesem ka lir. Jenshia aoertem meyirejang aika iba tesem nung jenoka lir aser iba yongji parnok anogoshia tenüngdakba osettem makai taküm alitsü merangtepdar.

Yimti nung mozüki amakba mapang shiranger 10 aser medical staff tema tajemba liasü, aser Sudanese Ministry

of Health-i iba mozüki azüngtet tenzükogo, ta MSF-i ashi.

Mozüki nung shiranga alirtem aser medical staff tem timba jentetogo, ta NGO yagi ashiba den, mepetmesü ulura asüba ajanga nisung shinga khaset mekhaset, mesüra yiru meyiru iba indang mejangja, ta ashi.

Iba yimti nung alirtemi parnok alima nung mulumi nung alir ta ashi, kechiyong koba anogo parnok taküm samatsü memetet, ta Sudan atema UN deputy humanitarian coordinator Toby Harward-i Al Jazeera dang ashi.

May 25 nungi June 3 nü tashi nung mozüki ya mortar shells aser injang agi asemben makogo aser iba mapang nisung ana tepset aser nisung 14 yirutsüogo, ta MSF-i ashi.

UN-i ashiba agi, Sudan nung rara nung nisung meyirejang aika tepsetogo, kong Darfur anüolen jila ka kija nunga nisung 15,000 süogo. Iba den nisung million teku shi pei takidak ki toktsür jenshia aotsüsa kümogo.

BILEMDANGANG

"Nai kecha jangrar aji inyaka pela alitsü merangang."